

### Waelrenge si wabebike

Kikay waelrenge si wabebike amia, tayngeane ka mathariri ka sapakatharirane si sapakisamulane si thingale malra pakilalibake ki laangatu bengelray si rurubu ngubabekele ku latatiitiki ku manemanenga, ala twalay kikay ku apatwaldhane arakay luka kadruanga ku pikaykay madu ku paysu ku taleke ku laakaneanane.

Mararamaw kikay wacukingi pwaki yubingi ki ginku si pwa cusihucuse, tikiane lupathagithagili, ai lukaulaynga tarapingacaili, kaidu pwalringaw ala maadrawnga si ka akaesadhane madu ka wacekecekele si lalalake madu, ladreele ku lalake madu ku palrapalra si twalraalraw si kaesaynga ku aungane lini ku sapaugakuane ki lalake lini. Kikay waelrenge ku angatu amani kikay waduuku ku angatu pikay kalatadrane si alriilrianenga, amani ki walredre ku lrikamadru ki angatu, kay gingga, tianese, belebele, kamadha; ku maadraw amani kikay wazulringi ki umauma kay balebale, kahui, tatukulu, segi, aburagi, lusiwkakenga maadraw ku paysu, lakaadraw ku saarakayyane tudaane, pakarudrange, langay ku zidusia, wasiwbaynga, si paarumudrua ku paysu si arukaadraw ku asidramane lini.

Lukaidu pikay ku miyaiyakay ku sangipaapdudulrunane lukauramane si amamama ku amuane kisaalru, lri ngitataku sawlriwringa madu si ana piapianga naku kwini iya, si ngikakaelaela, makaelaela ka ladrusa ka wacekecekele, lakaimaka paralubu ki lalale ki betakane ki lritudrane ki laaliali ki taalrailragi lu ikaynga ku tamurikayyane maduane naw kitubi iya maduane, lakamani ku kidremedreme, ai kaimaka arapuku si pangimia pakiragay linaine.

Latathingale kikay mathariri kay lrika akaesadhane madu si apakaesadhane ki druma, si silape ku aelrelrerlengane ku anagt, si pathagili kwidra apangimaine madu kivaivai ki damadramre ku abebbekane li iya twalay kikay.

Kay sitarudrawdrangane sakua ikaynga kikay miayaiya kikay ku waelreelrenge si pangia bebebeke, lu kaurame, lu kawrame ku drum, amannga kwini elrelrenge si bebebeke ini ku sangipalribulane si sapakiragadhane ki wacekecekel e si talrailraigis i laalialai lini, mathairirnga kibulru si palaalva pangimiamia, lupatututdru su, lri ikay ku aungaulane su ku acilay si kaiamaamanga ku kidremedreme.

110 年全國語文競賽原住民族語朗讀 【霧臺魯凱語】 高中學生組 編號 1 號  
養樹及撲滿

養樹是養成護樹、育林、愛護生態環境的必要責任，以及擁有一個撲滿積少成多準備必需之時，這都是魯凱族儲蓄的好習慣。

現在把錢存入銀行，和郵局或部落裏的儲蓄互助社，對自己的家庭和生活及工作帶來許多好處和保障。

若是缺少養樹和撲滿儲蓄的習慣，必定在失業、生病、缺乏或有突發事情的時候，後悔連連。

### Kiasasuaraw mua palribulu

Yakay ku tatama, ai twaaganenga, lakatuase mubalriw mua kavay  
kacekelane Kucapungane, lrikape ki daane si lriivay ku ubulu ki kahui lini.  
kikay kiamatikaykay ka nacekele Kucapungane kudra natalaalibi ku daane  
si latinukucingalrane ka ladaane si tatulrisilrisiane, lakamani ku sidrama ini  
si karakace, sadulrudulruanana ku naumuana la iya, lamuanga  
makanemelenga ku vai.

Saka Niciwbì ki mialrealre ki valru ki tuki, lakaynganay siwlri papia  
kay Rinari, ai kaingwainunga ki kadalranane si acilay, ai, kaynganayyana  
naw tara kela lukamiauaubu iya. Ai, kaimaka siaulringa ki tekepe,  
latinulanguy asi talunemele ki kaadravane, sakelanga lribate ki sakadrusa ka  
cekele ki sukucapungane kavay Tulalekelre, ngwakayyana ku taludrusa ku  
tatalrubalreane ini. Ladreele kwini talilrawdru lakaadrawnga ku acilay, la  
kaimaka talrubalre, lakathathiburu ku kidremedreme, ala lritumana ku iya  
iya.

Lakatuase mua kwidra ki nataludru taylebe kipalenay ki udale, ai,  
kaisiaacilay, kaisidrinki, kaisiaraita, lakadepenge ku laimay ini, si  
manuguligiligilinga, la miaka kiapucaemane ki maadraw ku alualu, sana  
kasilraw lrirletese, ala lritumana ku iya si tubi, langidrakaale si ngiveevele

kaculu, si pidruru kitubi ki Twaumase, kay lripacadha ku, palribulai li la iya.  
Lamulebelebe ku dinva ini si kakucingalre pakatuase ku dinva;naw  
palalavana la iya, lapakatuase ku vaga ini “maadraw kay acilay palribulai  
li”, ala tarumara  
ku talragi ini ku waapece, lakatuase kikawriva ki labaibay ini si lalake  
ini, lakatuase mua ki taraedredrepe pelaela, ala kirimunga madawdawlu si  
suragele ku rarukudrane si mua ku tamapusale si bangate ku butay. Lu kaita  
mua malramalra, lriatara pacay ki gulruane miaka yakay ku maadraw ku  
alualu ki kinawmasane ini, la iluku ku alualu ku apakanane, si lacalrisi,  
tapadrinkiane si tipay, lakasaasa kwini labaibay ini.

Ala kela ki lrika kabiceacecelrakanenga ki maaungu, la kiraragay kudra  
lamuakalavalava, lakabalrulu ku maculu ku kwaubu si matiakiraragay,  
kwini nayka amatikurane ini, nayka apacadhane ini.

Lakamani kikay lukipadradresengane ku sapaapcay, tara kiasasuaraw  
madu pelaela ki takisacane ki taraedredrepe, ki swabiuingi, la kaipalribate ki  
saudriudripiana ki zikange. La tara ngipaapdulru madu ku sangiragelanane  
madu, lumuinuanenga, saarakayyane madu ngipapalrabulu, kipalribulu.  
saniange kay dinva si raita, drinki si acilay, lri kamani ku sapanianiakane

110 年全國語文競賽原住民族語朗讀 【霧臺魯凱語】 高中學生組 編號 2 號  
黃金七十二小時

從陷入危險當中知道狀況，並能向救難機構報案，用最有效的方法，才能在七十二小時黃金時間保住生命。

要隨身攜帶最基本的生活用具，遇到緊急時可自我防衛和幫助急難中的人，尤其是通訊器材，要常更新，備載備用，對自己對個人，都是每日備忘的。

sabaadhane ki warakete

Lukarudrarudrange kay ababay si sawvalay, tara yakay ku  
atusabaadhane kwini ki amuane rakete ka talilabaibay. lakamani kudra  
tarasivaga ka kiasikawlu ki taydrusa si pangimia ku puvaga murikay ki  
labaibay, la singikay ki niake lini si kelrete ku apangimiane ku lrika kaika  
akapualane apasamaliane si ngiesadhane ku rarukudrane, luka tatulrevegane  
laturedelane bulri kwini sabaadhane ki kiarakerakete ka tawvaylekete,  
ladreele ku maretetese si sakacekele ku talialaalay, ngiamialringa iya si  
kiaseasene kwini ki makapakathariri ku iluku lini ku sabaadhane si  
kiraragay makanaelre.

Ku sabaadhane la kamani kikay, lusingibilane sunagane: samulremeane,  
sakasamadre, samusakenane, sapukidringane, sakiraisane, samucaisane,  
sapasenadhane, tinueapane, twalalakane, laliante, samucekelane, lre, vagisi,  
sadavadavace, sabiki, thinilane, bengelray, sasiimadhane, cawbu, abay,  
saungulane, paysu, pakela ki mapusale ku anguvavaevane pudriadringay  
rukudru padulru ku ailukane luka taraketane si mua kwini cekele ki daane ki  
tawvaylekete tulrevege, si dalray.

Ludreelenga ku tarudrawdrange, ku talialaalay, ku lakiacapili si  
piretesanane, ngimia laiya, marathudu ku laelangane si muanga ki

akalringulane ki apacekelane dralray, lu maicekele ala mua bulri kwini ki  
lrikimalra pwa ki daane ki talisawvalay si kiparecenge, iluku ku acebe lini  
ku kipailuku ini ki marudrawdrange ini kwini ki alisu..

Mapeaperaw turamuru sana pangimiane ku sabaadhane si makitu  
kiraragay pasikay kwini ki lrika ladrusa.Ala,kikaynga yakay ku taelane ku  
tatukucingalane,niange kikay sabaadhane kay paysu,  
nakadrua,ralaububulu,ai mamuamaunga ki drumane ka zuku si dulrunga  
kipaysu, langiasingikaykaynga ku tapakathathane. La arudrima ku  
kucingalrane si kwalri silape ngipaapdulru, kudra lrika sabaadhane ki  
labaibay.Ai,lumua ki kaika ngudrdrekay miakaw kiaduay, lakai ngimianga  
kudra tangimiamianelringa ki cekel,ki talialaalay ki lakawkawlu,  
pailatdrenga ku tadreelane,si kai madu kithathengetenga ka  
pangiatumatumane, yakaynga ki akaneane ki pangipairairangane ku  
akapeaperavane, lakaidu sidramanga, lamaititaulra kudra  
natakidremedemane ki tarudrawdrange.

### 魯凱的結婚聘禮

魯凱族結婚聘禮的內容，是依照階級身份地位，由介紹人協助統籌預備，不容絲毫不搭配其倫理情形及利害關係的。

若是預備適當，女方家人、親友、部落頭目、都稱心滿意，婚禮必是風光風采無比，一場世紀婚禮，將是熱鬧的不得了。

聘禮大致內容包括如下：入社禮 samucekelane、除喪禮 samulremeane、致歉禮 sakasamadre、尊貴禮 sausakenane、飯匙禮 sapukidringane、觸身禮 sakiraisane、揭紗禮 samucaisane、吟唱禮 sapasenadhane、木材 sakiangatu、搗小米 sapasilribuane、長兄禮 tinutakane、雙親禮 twalalakane、伴娘 laali、入境禮 過橋禮 samudaanane、起身禮 sadrakaalane、豬頸子 lre、前腿 sadavadavace、後腿 cau vagisi、香蕉 belebele、檳榔 sabiki、花環 ratheathe、百合花飾 dukipi、小花圈 langi、各種飲料 saungulane、喜餅 abay、男裝 sasiimadhane、棉被 cawbu、聘金 sabaadhane。